



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba  
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-01-266/24-II  
Brčko, 05.04.2024. godine

Pravosudna komisija Brčko distrikta BiH, na osnovu člana 56. Zakona o službenicima i namještenicima u pravosuđu Brčko distrikta BiH – prečišćeni tekst („Službeni glasnik Brčko distrikta BiH“, br. 13/23) i člana 8. Pravilnika o zapošljavanju u pravosuđu Brčko distrikta BiH („Službeni glasnik Brčko distrikta BiH“, br. 1/19, 6/20 i 27/21), a u vezi sa Odlukom broj: SuPK-01-266/24-I od 05.02.2024. godine, na 256. redovnoj sjednici, održanoj dana 05.04.2024. godine, raspisuje

**JAVNI POZIV**  
**za prijem volontera u pravosudne institucije Brčko distrikta BiH**

- 1. Osnovni sud Brčko distrikta BiH .....1 (jedan) volonter**
- 2. Kancelarija za pravnu pomoć Brčko distrikta BiH.....1 (jedan) volonter**

Javni poziv se raspisuje za prijem 2 (dva) diplomirana pravnika u svojstvu volontera u Osnovni sud Brčko distrikta BiH i Kancelariju za pravnu pomoć Brčko distrikta BiH, radi sticanja radnog iskustva u pravosuđu, bez zasnivanja radnog odnosa.

Za volontera mogu biti primljena samo lica koja ispunjavaju sljedeće **opšte uslove**:

1. Da je državljanin Bosne i Hercegovine,
2. Da je punoljetan,
3. Da je zdravstveno sposoban za vršenje poslova upražnjenog radnog mjesta,
4. Da se protiv njega ne vodi krivični postupak,
5. Da nije osuđivan za krivično djelo na kaznu zatvora u trajanju dužem od šest mjeseci;
6. Da nije osuđivan za krivično djelo iz oblasti korupcije, krivično djelo protiv pravnog saobraćaja i drugo krivično djelo koje ga čini nedostojnim za vršenje službe u pravosuđu;
7. Da se na tu osobu ne odnosi član IX stav 1 Ustava BiH,
8. Da u posljednje tri godine počev od dana objavljivanja javnog konkursa ili internog oglasa za popunjavanje upražnjene pozicije, nije otpuštan iz državne službe u institucijama BiH, entiteta BiH ili distrikta, usljed pravosnažno izrečene disciplinske mjere,
9. Da ne postoje okolnosti koje bi dovele do sukoba interesa.

Kandidat pored opštih uslova mora ispunjavati **posebne uslove**:

- Visoka stručna sprema, VII stepen (240 ECTS), smjer: pravni,

Opis poslova – volonter u Osnovnom sudu Brčko distrikta BiH:

- obavlja pripravnčku praksu u sudu radi sticanja uslova za polaganje pravosudnog ispita, pod nadzorom predsjednika suda u skladu sa Programom o obavljanju pripravnčkog staža u pravosuđu Brčko distrikta BiH,

- pripravnicima se postepeno doajdljuju razne vrste poslova kako bi stekli neophodno praktično iskustvo na svim poljima rada u sudovima kako na sudijskim tako i na administrativnim poslovima,
- vodi Dnevnik rada u koji svakodnevno unosi podatke o poslovima na kojima je radio,
- pod nadzorom sudije ili stručnog saradnika obavlja iste poslove kao i stručni saradnik,
- obavlja i druge poslove i zadatke po nalogu predsjednika suda

Opis poslova – volontera u Kancelariji za pravnu pomoć Brčko distrikta BiH:

- obavlja praksu radi sticanja uslova za polaganje pravosudnog ispita,
- obavlja i druge administrativne poslove radi upoznavanja procedura rada u Kancelariji za pravnu pomoć i pomoći u radu drugim uposlenicima,
- obavlja i druge poslove po nalogu Direktora kancelarije.

Formulari za prijavljivanje na javni poziv mogu se podići u prostorijama Pravosudne komisije Brčko distrikta BiH, Trg pravde broj 10 ili na internet stranici Pravosudne komisije ([www.pkbd.ba](http://www.pkbd.ba)).

Izbor volontera vrši se nakon usmenog intervjua kojeg s kandidatom za volontera obavlja rukovodilac pravosudne institucije za koju se provodi postupak prijema volontera.

Na usmeni intervju kandidati se pozivaju isključivo putem službene internetske stranice Pravosudne komisije najkasnije pet dana prije zakazanog intervjua ([www.pkbd.ba](http://www.pkbd.ba)).

U slučaju da je po javnom pozivu prijavljen veći broj kandidata od broja utvrđenog Odlukom, izvršit će se izbor najuspješnijeg kandidata.

Rangiranje uspješnosti kandidata vrši se nakon obavljenog intervjua, na osnovu kriterija za zapošljavanje službenika i namještenika u pravosuđu Brčko distrikta BiH iz člana 22. Pravilnika o zapošljavanju u pravosuđu Brčko distrikta BiH (Službeni glasnik Brčko distrikta BiH“, br. 1/19, 6/20 i 27/21) pri čemu su kriteriji iz tački 1, 2. i 5. obavezni (1. – dužina čekanja na Zavodu za zapošljavanje; 2. – prosjek ocjena tokom školovanja; 5 – dodatne edukacije (spremnost za aktivno učenje), preporuke).

Javni poziv za prijem volontera u pravosudne institucije Brčko distrikta BiH, će biti objavljen na službenoj internetskoj stranici Pravosudne komisije ([www.pkbd.ba](http://www.pkbd.ba)) i oglasnim tablama pravosudnih institucija.

**Prijave na javni poziv podnose se od 12.04.2024. godine do 26.04.2024. godine**

Popunjene prijave mogu se dostaviti lično ili poštom na adresu:  
**PRAVOSUDNA KOMISIJA BRČKO DISTRIKTA BIH,**  
**76100 BRČKO, Trg pravde broj 10.**

Nepotpune prijave, kao i one predate nakon 15:30 časova, posljednjeg dana roka za prijavu, neće biti uzete u razmatranje.

PREDSJEDNIK PRAVOSUDNE  
 KOMISIJE

Safet Pizović